

婦科氷鑑

四



王 者 悦 主 编

春 湖 医 珍

之 六

妇 科 冰 鉴

清 · 柴 得 华 撰

中医古籍出版社出版发行
长春市春湖复印社印制
一九八七年五月第一版第一次印制
ISBN 7-80013-040-1/R · 040
统一书号：一四二四九·〇二四五
定价：一百〇二元

婦科水鑑卷七

產後門目錄

胎衣不下一

玉門不閉二

血暈三

惡露不下四

惡露不絕五

頭疼六

心胃痛七

腹痛 八

少腹痛 九

脇痛 十

腰痛 十一

偏身痛 十二

腹中塊痛 十三

筋攣 十四

傷食嘔吐 十五

呃逆 十六

| | | | | | | | | |
|----|----|----|----|----|----|----|----|----|
| 瘧病 | 中風 | 頭汗 | 自汗 | 感冒 | 寒熱 | 發熱 | 浮腫 | 氣喘 |
| 二五 | 二四 | 二三 | 二二 | 二一 | 二十 | 十九 | 十八 | 十七 |

癡症 二六

不語 二七

驚悸恍惚 二八

發狂譫語見鬼 二九

虛煩 三十

發渴 三一

咳嗽 三二

衄血 三三

痢疾 三四

瘧疾 三五

瘵勞 三六

血崩 三七

大便秘結 三八

小便淋閉 三九

小便頻數不禁淋瀝 四十

大便出血 四一

小便出血 四二

敗血成癰 四三

月水不通 四四

產後虛實審宜 四五

產後門彙方目錄

奪命散 一

生化湯 二

清魂散 三

獨參湯 四

芍歸湯 五

大養室湯 六

加味二陳湯 七

當歸羊肉湯 八

異功散 九

查木二陳湯 十

香桂散 十一

延胡索散 十二

四君子湯 十三

佛手寄生湯 十四

越痛散 十五

秦沒四物湯 十六

二陳湯 十七

丁香豆蔻散 十八

參附湯 十九

茹橘飲 二十

都氣湯 二十一

二味參蘇飲 二十二

枳朮湯 二十三

小調中湯 二十四

小調經散 二五

增損四物湯 二六

更生散 二七

蔥柴四物湯 二八

黃耆湯 二九

當歸六黃湯 三十

附防十全大補湯 三一

釣藤八珍湯 三二

釣丹四君湯 三三

加味八珍湯 三四

星連二陳湯 三五

七珍散 三六

茯神散 三七

鎮心歸脾湯 三八

妙香散 三九

人參膏歸湯 四十

參麥飲 四一

麥粉四物湯 四二

竹葉歸茸湯 四三

旋覆花湯 四四

桃紅佛手散 四五

人參澤蘭葉湯 四六

槐連四物湯 四七

六一四物湯 四八

芍藥湯 四九

真人養藏湯 五十

人參敗毒散 五一

香連丸 五二

膠榆四物湯 五三

加味生化湯 五四

加味二陳湯 五五

藿香正氣散 五六

柴胡八珍湯 五七

三合散 五八

加味十全大補湯 五九

茅地通遙散 六十

加味四物湯 六一

加味地黃湯 六二

黃耆當歸湯 六三

加味苓連四物湯 六四

金匱生化湯 六五

回生丹 六六

產後十八論神驗方 六七

婦科冰鑑卷七

產後門

胞衣不下

胞衣不下其因有四或風冷干犯因使瘀血凝滯
或下血過多以致產路溢乾或惡血流入胞內衣
漸脹滿而疼痛或產久氣弱因怠無力運托而外
行夫兒身既離胞宜速下不爾上攻心胸脹滿喘
急將有性命之憂者矣
治此之法急宜奪命散以解其危或生化湯大加

肉桂使血和則易下也

一法用葱一莖捲於產婦髮內令口嚼之俟嘔可即下也

奪命散 本行一

生化湯 本行二

玉門不閉 二

既產玉門不閉者其致有二或氣血衰弱或初產傷重氣血衰弱者無所痛苦因產傷重者必腫而痛也

暑氣血衰弱不能收閉者十全大補湯 因初產
傷重者甘草煎湯淋洗之其腫自平

十全大補湯

見日經門二四

血暈三

產後眼生黑花頭目旋暈不能起坐昏迷不省人
事者謂之血暈由惡露去少敗血流入於肝乘虛
逆凌於心神明被擾故昏不省人氣閉欲絕也然
因去血過多心神失養者亦能致此名曰血脫倘
作血暈施治必增危劇二者何以辨之面唇色赤

者血暈也面唇色白者血脫也辨認不明鮮不悞
矣

若血暈者佛手散童便沖服血脫而致者清
散二者均宜燒乾漆及燒鉄釘醋淬不時薰鼻
自甦若向有血暈之患者宜於臨產之時預
服獨參湯或十全大補湯一二劑不但可免血

暈而且易產此屢試驗法也

佛手散見月經門八

清魂散本門三

獨參湯 卷門四

十全大補湯 見月經門二四

惡露不下 四

惡露不下有因風冷凝於胞門以致氣滯血凝腹
中必有脹痛之虞有因產時去血太多血海乾涸
面頰必見黃白之色以此辨之誠切當不易法也
若因血凝者失笑散逐而行之
去血太多者聖

愈湯補而運之

失笑散 見崩漏門八

聖愈湯 見月經門十二

惡露不絕 五

產後惡露乃裏兒汚血也產時當隨胎而下其未
盡之餘常以七朝為率若日久不斷時時淋漓者
有衝任虛損不能收攝有瘀滯不盡隨化隨行者
審其色或汚濁不明或淺淡不鮮或其氣臭或腥
而穢是汚濁不明為虛中挾滯淺淡不鮮為衝任
虧弱其氣臭腥而穢者則為瘀滯未盡也
若衝任虛損不能攝血者十全大補湯加續斷阿

膠 色汚濁不明者人參養榮湯 色淺者八

珍湯 其氣臭腥而穢隨化隨行瘀滯所致也

佛手散加益母草

十全大補湯見月經門二四

人參養榮湯見月經門二二

八珍湯見月經門二三

佛手散見月經門八

頭疼六

頭者諸陽之會也產後五藏皆虛陰血暴亡孤陽

失守上湊於頭而痛。誠陰虛所致也。面色必黃白。脈則寸強尺弱。間有敗血攻冲而疼者。必兼腹痛。之證治者詳之。

善去血太多者。此血虛頭疼也。八珍湯加蔓荊子。

如脈寸強尺弱者。六味地黃湯加牛膝五味。

子。此余歷驗者。敗血攻冲而致者。芎歸湯或。

冲童便。

八珍湯見月經門二三。

六味地黃湯見月經門十五。

芩歸湯 本門五

心胃痛 七

產後心胃痛有二一風冷凝滯氣血一飲食停留
中脘也蓋產後氣血衰微諸凡最易干襲若四肢
厥逆而脈青白而痛者乃風冷凝滯氣血不能宣
通也若嘔吐惡食心胃脹滿而痛者乃飲食停滯
中脘無力輸運也倘大便艱結小水赤澀渴欲飲
冷者又屬內有實熱法當從下也
若心胃痛而四肢厥逆者大巖蜜湯
嘔吐惡食

而骨痛者加味二陳湯 大便艱結屬實熱者

不妨少與玉燭散攻而利之

大巖蜜湯 本門六

加味二陳湯 本門七

玉燭散 見目徑門五三

腹痛 八

產後腹痛其因有四或去血過多則藏府乏其充
養或惡露去少則瘀血凝滯不通或恣食過傷必
見惡食脹滿或寒乘胞中必有冷凝狀形皆致痛

之由也治此之法血少者補養之瘀滯者開逐之
食傷者消導之風寒乘於胞中者溫散之然倘教
朝以內飲食如常忽爾腹痛六脈沉伏四肢厥冷
此惡血不盡傷食裹血而脈不起也不可誤認氣
血兩虛輒用大補須消導兼以行血可也

若去血過多者當歸建中湯或八珍湯當歸羊肉

湯 瘀血壅滯者失笑散最驗 飲食傷者異

功散加山查神麴或查朮二陳湯 風寒乘虛
入於胞中者香桂散或吳茱萸湯

當歸建中湯 見月經門三二

八珍湯 見月經門二三

當歸羊肉湯 本門八

失笑散 見前偏門八

異功散 本門九

查朮二陳湯 本門十

香桂散 本門十一

吳茱萸湯 見月經門三一

少腹痛九

產後少腹痛者乃血塊未淨名曰兜枕痛蓋兜在
胎中宿有血塊產時其血破敗與兜俱下則無是
患若藏府為風冷所干則血凝少腹之間故結聚
疼痛也察此之法須於小便辨之其小便利者為
瘀血凝結小便不利淋澀脹痛者乃蓄水作祟也
倘堅靱紅腫者須防成癰疔癰之患矣

若兜枕痛者延胡索散 屬蓄水為患者五苓散
將成癰疔癰者吳茱萸湯以溫而散之

延胡索散 方門十二

五苓散見胎前門八

吳茱萸湯見月經門三一

脇痛十

產後脇痛由瘀血凝滯使肝氣不能流暢或所下
過多氣血虧而失滋榮夫脇者肝之部分也但有
左右氣血之不同當明辨析左痛者血滯也右痛
者氣虛而兼血弱也詳而施治鮮不效矣

若左脇痛屬血滯者延胡索散 屬血虛者四物
湯加參朮柴胡 右脇痛屬氣滯者四君子湯

加柴胡青皮或四君子湯加柴胡薄荷桂善氣
血兩虛而因去血過多者八珍湯加肉桂治之

延胡索散

本門十二

四物湯

見月經門一

四君子湯

本門十三

八珍湯

見月經門二三

腰痛十一

腰者腎之府胞胎之所繫也產則陰血暴脫腎氣
損傷故每多痠痛之患若腰中重墜下注兩股痛

如錐刺者乃產時風冷乘虛瘀血滯於肝經不即
治療久之必作癰疽也

若因去血過多三陰虧損而痠痛者八味地黃湯
加杜仲續斷 風冷乘襲痛注兩股者佛手寄
生湯溫而散之

八味地黃湯見月經門十六

佛手寄生湯本門十四

徧身痛十二

產後徧身疼痛由去血過多榮血不足衛氣衰微

不能榮養也或風寒外客必有表證可憑倘面唇色紫身脹而痛則屬停瘀所致也

善去血過多榮血不足或風寒外客者均宜趁痛散主之榮衛氣血兩虛者人參養榮湯加黑薑面唇色紫者當以行瘀止痛為主秦沒四物湯瘀和而痛自止也

趁痛散

本門十五

人參養榮湯

貝月經門二二

秦沒四物湯

本門十六

腹中塊痛十三

產後腹中有塊堅硬攻痛者多因新產之後風冷乘虛而入以致瘀血凝結也宜速驅逐久則必成血癥又有寒亦一證亦在少腹攻築疼痛此屬寒氣滯澁當溫以散之

若瘀血凝結者急宜延胡索散逐而行之 寒症攻痛者宜吳茱萸湯溫而散之

延胡索散

本門十二

吳茱萸湯

見月經門三一

筋學十四

產後筋脈拘攣疼痛不能舒屈俗名雞爪風皆由
產後血液虧損不能榮筋故令拘攣疼痛也大法
宜養榮血佐以舒筋蓋血足則筋有養矣

若無汗者宜養榮之中兼以祛邪宜四物湯加柴
胡木瓜桂枝釣藤鈎 若有汗者宜大補榮血
用八珍湯加桂枝黃蘗阿膠

四物湯 見月經門一

八珍湯 見月經二二

傷食嘔吐 十五

產後氣血俱虛脾胃自弱一切飲食最宜戒慎苟
恣欲無忌過食因麪炙燥之物以致心胸飽悶惡
聞食氣嘈雜嘔惡吞酸吐酸者此食傷脾胃也但
產後氣血虧虛不可同尋常論治惟宜助健脾氣
佐以消導使食消而脾不傷也

善嘔吐惡心者六君子湯加香附砂仁神麴山查
惡食飽悶者六君子湯加厚朴 嘔逆痰涎
者此必挾痰飲而作也二陳湯重用半夏更加

藿香 吞酸吐酸者六君子湯加柴胡吳萸

六君子湯 見經前門五

二陳湯 本門十七

呃逆 十六

呃逆者屬脾虛聚冷胃中伏寒也蓋產後氣血注
傷藏府皆損飲冷食寒以致中焦之氣厥而不順
法當溫暖脾胃然有中氣大虛不能按納下焦真
氣逆奔上衝亦能致此其聲必長其候殊惡又常
溫補命門為主矣

若脾虛胃冷者丁香豆蔻散如不應當以參附湯

峻補之 吾發熱面赤者屬熱實也茹橘飲

下焦真氣逆衝者都氣湯

丁香豆蔻散 本門十八

參附湯 本門十九

茹橘飲 本門二十

都氣湯 本門二十一

氣喘 十七

產後喘促極危之證也因所下過多榮血暴竭衝

氣無依孤陽上越獨聚肺中誠陰竭陽浮之候最
難治療者也然惡露不行敗血上攻於肺者亦能
致此必面色紫黑喘息氣壯為辨耳

若蚺細無力面唇色白或面頰淡紅者屬孤陽也

宜驟固補急以參附湯遲則不救 如有上面

唇之色而氣則出多入少蚺見寸口浮大無力

關沉尺細或微或蚺維豁大按之則隱者此陰

竭陽浮之象誠真陰涸竭孤陽上脫之候也宜

加味都氣湯余嘗用此多臻奇效 面色紫黑

者此敗血上攻也奪命散稍涉虛者二味參

蘇飲

參附湯 本門十九

加味都氣湯 見經用門九

奪命散 本門一

二味參蘇飲 本門二二

浮腫 十八

產後浮腫多由敗血停留乘虛流入經絡血化為水故令浮腫然有氣分血分水腫之別不可不辨

輕虛浮腫心胸脹滿因素有水飲名曰氣分也皮
如熟李徧身青腫者名曰血分也若喘嗽小便不
利則為水腫矣

若屬氣分者枳朮湯 屬血分者小調中湯冲服

小調經散 水腫者茯苓導水湯

枳朮湯 本門二三

小調中湯 本門二四

小調經散 本門二五

茯苓導水湯 見胎前門十四

發熱 十九

產後發熱因端甚多不可執一論治蓋陰血暴亡
諸邪易凑或陽無陰歛而浮遊肌表或恣貪飲食
而壅滯胃中或惡露不去則瘀血留滯或蚤起勞
動則困乏使然或三朝蒸乳或感冒風寒諸如此
類皆致熱之由也咸當詳細審辨不可孟浪施療
倘獨執一熱投以清涼則禍如反掌矣
若因亡血過多致陽無所附而熱者四物湯加炮黑
薑此從陰引陽之治也
血脫煩躁乾渴面赤

者當歸補血湯 如鯀浮虛按之則微此孤陽
外越也急宜參附湯遲必汗出大喘乃陽欲三
之象雜藥終斃矣 飲食過傷者異功散加山
查神麴厚樸生薑 脾虛不能化食者六君子
湯 嘔惡者香砂六君子湯 惡露不去致瘀
血留滯者必兼腹痛之證生化湯 發起勞動
而致者十全大補湯或八珍湯 熱在三朝為
蒸乳也不須藥療 感冒風寒治詳本條見後

二一

四物湯 見月經門一

當歸補血湯 見月經門十一

參附湯 本門十九

異功散 本門九

六君子湯 見經前門五

香砂六君子湯 見月經門三九

生化湯 本門二

十全大補湯 見月經門二四

八珍湯 見月經門二三

寒熱二十

產後寒熱有往來寒熱乍寒乍熱寒熱似瘧壯熱
憎寒之別名既不同其證亦異寒熱往來者寒去
熱來熱去寒來通相更換為氣血虛損陰陽不和
也乍寒乍熱者有時作寒有時作熱無定之時乃
陰陽相乘榮衛不調也寒熱似瘧者或先寒後熱
先熱後寒一定不移至其時而始作緣飲食停滯
或收血不散而然也壯熱憎寒者其身既壯熱而
復時時畏寒因汗出過風玄府閉秘也有諸內自

形諸外須明辨之斯克効矣

若陰陽不和寒熱往來者柴胡四物湯或逍遙散

柴衝不調乍寒乍熱者乃陰陽相乘也蓋陽

乘陰則熱陰乘陽則寒宜增損四物湯或八珍

湯少加柴胡若敗血停留兼食傷中寒熱似

瘡者生化湯加柴胡山查神麴感受風寒憎

寒壯熱者更生散

柴胡四物湯見月經門五二

逍遙散見月經門九

增損四物湯 本方二六

八珍湯 見月經方二三

生化湯 本方二

更生散 本方二七

感冒 二一

新產之後不謹調護因而感冒風寒以致頭痛脊
強發熱惡寒者慎勿峻劑表散蓋產後大血既去
氣因亦虧表裏空虛雖即微邪亦易乘襲當以養
血為主佐以疏解至強則賊自遁避血和則風寒

消滅不知此誤投峻散之方津汗一出重則亡陽
輕則惕胸或鬱冒昏迷或抽搐便秘變幻諸證靡
非過散之害也

若頭痛發熱惡寒者蔥柴四物湯 頭痛脊強體

疼者羌桂四物湯

蔥柴四物湯 本門二八

羌桂四物湯 見月徑門三六

自汗 二二

產後陰血既止陽氣因之而虛誠陰陽兩虧之時

若微汗自出乃榮衛和調之象倘自汗如洗極危
證也蓋汗本血液產既止陰而復大汗豈不虧而
又耗乎究其由緣陰氣虧損不能斂藏故陽氣外
越而汗出不收速宜固密衛氣否則陽亡而斃矣
若自汗太甚者宜黃芪湯如陰血大脫孤陽外
越致汗不止者非大劑參附湯不可或更加五
味子其効尤擅

黃芪湯

本門二九

參附湯

本門十九

頭汗二三

產後陰亡陽氣獨盛上蒸於頭故但頭汗出至頸而還也夫陽既獨盛微汗則損陽就陰兩相平均無足為慮設大汗淋漓洗乃陰既下亡陽復上脫危剝之後也

若微汗至頸而還者當歸六黃湯內芍連黃蘗三味俱炒黑用之大汗淋漓者治見上自汗條

宜五參芍

當歸六黃湯本門三十

中風 二四

婦人以崇血為主產時下血太多藏府虧損未曾
平復蚤起勞動因而風邪乘襲客於皮膚經絡以
致筋骨疼痺羸乏少氣唇青肌冷神昏目眩凡筋
脈挾寒則孳急喘僻挾熱則繼緩虛弱種種證狀
皆由氣血虛損所召經所謂邪之所湊其正必虛
也

治此者宜大溫補雖有他證後求治之宜十全大
補湯如牙閤緊結令人推正其身一人夾正其

面寬開口灌之如不得下令側其面出之仍灌
熱者又冷又灌數次即能下咽少頃可甦此立
齋法也甦後酌宜施治

十全大補湯 見月經門二四

瘧病二五

產後血氣皆虛藏府均弱多自汗出腠理不密風
邪乘間襲入遂成瘧證手三陽之筋結於頷頰風
乘之則口噤陰陽經絡用環於身風乘之則頭項
脊強直如角弓反張之狀證雖不一實陰血不

足無以榮養筋脈而然也當以培補氣血為主其
勢自解若見頭搖喘促汗出不止兩手撮空乃真
氣去邪氣獨留必死之候也

若角弓反張口噤鼓頷者附防十全大補湯

附防十全大補湯本門三一

癱瘓 二六

夫癱者筋脈拘急也縱者筋脈弛縱也產後患此
由去血過多筋無所養陽火熾盛致使抽搐發熱
心煩口渴經曰肝主筋藏血蓋肝氣為陽為火肝

血為陰為水值此陽旺陰衰之際當以養陰為主
則陽火退而諸證息不應則以補脾為要蓋血生
於至陰至陰者脾也若無力抽搦戴眼反折大汗
不止者其命將休不治之證也

若治此者宜釣藤八珍湯主之如不應用釣丹四

君陽

釣藤八珍湯 本門三二

釣丹四君湯 本門三三

不語二七

產後不語須分虛實有痰熱乘心者有敗血衝心者有氣血兩虛而鬱胃神昏者大抵產後屬虛者多而實者少也治者詳之

若氣血兩虛者加味八珍湯 痰熱者星連二陳

湯 敗血衝心者七珍散

加味八珍湯 本門三四

星連二陳湯 本門三五

七珍散 本門三六

驚悸恍惚 二八

產後陰血虧虛心氣怯弱神志失守邪熱乘心以致驚不自安悸動不定目睛不轉恍惚疑懼者惟宜養血安神蓋血足則神有藏舍驚悸何能作哉若血虛而致者茯神散

鎮心歸脾湯

茯神散 本門三七

鎮心歸脾湯 本門三八

發狂譫語見鬼 二九

產後發狂譫語妄見鬼神由敗血衝心或心血虛

損敗血衝心者面頰赤紫其聲壯厲而揮亂心血
虛損者面唇黃白神志恐慌而言微以此辨之最
為確當

若敗血衝心者小調經散 心血虛損者妙香散
以當歸整地煎湯調服其效如神

小調經散 本方二五

妙香散 本方三九

虛煩 三十

產後虛煩其致有三或陰血虧竭因見氣浮而短

或敗血衝心雖煩多兼脹痛之證若煩而躁者乃去血過多亡陰所致也

若心煩而短氣者人參當歸湯 敗血衝心者失笑散 亡血過多者當歸補血湯則煩躁皆除也

人參當歸湯本門四十

失笑散 見前偏門八

當歸補血湯見月經門十一

發湯 三一

產後發渴者氣血虧虛也蓋陰血暴亡津液短少
不能上奉廉泉涸竭故口乾而渴也治當審其偏
氣偏血鮮有不愈者

若津液不足者參麥飲 血虛而渴者麥粉四物

湯 渴甚不解者竹葉歸芪湯

參麥飲 本門四一

麥粉四物湯 本門四二

竹葉歸芪湯 本門四三

嗽 嗽 三二

產後嗽嗽有蚤起勞動感受風寒者必有頭疼身
痛可據有敗血上衝入肺者必見面唇紫赤之色
治此之法外感者疏散之敗血者消逐之無難事
已然因陰虛而致者居多蓋產後陰血大脫則真
陰必虛陰虛則火無制上刑肺金欲不嗽嗽勢難
容已當以滋金壯水以漸圖功也

善感冒風寒者旋覆花湯 敗血上衝入肺者桃

紅佛手散 真陰虧虛者麦味地黄湯滋其化

源必自愈也

旋覆花湯 本門四四

梔紅佛手散 本門四五

麥味地黃湯 見經 用門四

衄血 三三

產後衄血乃惡露不下虛火載血上行不能循其
經隧故溢出鼻竅也若兼黑色見於口鼻為熱極
及兼水化係胃絕肺敗之後稟餌最難醫者蓋凡
色紅赤者陽熱之生氣也青黑者陰寒之絕氣也
況口鼻為陽明多氣多血之部而見陰寒慘殺之

氣則胃中陽和之氣衰敗可知其不死也幾希
若強欲治此者惟人參澤蘭葉湯或冀其萬一耳
人參澤蘭葉湯 本門四六

痢疾三四

產後痢者名產子痢多因飲食不謹恣食生冷或
起居不慎衝寒受暑所致若腹中疴痛裏急後重
者屬有餘日久虛寒滑脫者屬不足其色黃赤稠
黏多屬於熱清稀澄澈如鴨糞者則屬於寒此虛
實寒熱之辨也更以脈息遲數參之庶不致誤治

之之法熱者清之寒者溫之冷熱不和者調之虛者補之實者瀉之虛實新久之間宜細心詳察也
若其色黃赤稠黏者熱也槐連四物湯清其熱而
堅腸胃或六一四物湯亦可 赤白相兼者冷
熱不和也芍藥湯調之 色白清稀滑脫者虛
寒也真人養藏湯溫而澁之 日久不止必氣
血大虛也十全大補湯 若見色白或黃而清
稀次數甚多或久不止此因產大虛腎廢封藏
之職也當以溫固腎氣為主宜八味地黃湯去

丹皮加故紙五味兔絲子 善為風寒衝感而

致者人參敗毒散 因暑濕而致者香連丸

痢下絳紅名曰血痢此敗血滲入大腸也膠榆

四物湯

梔連四物湯 本方四七

六一四物湯 本方四八

芍藥湯 本方四九

真人養臟湯 本方五十

十全大補湯 見月經方二四

八味地黄湯見日經門十六

人參敗毒散本門五一

香連丸本門五二

膠榆四物湯本門五三

瘧疾三五

瘧疾之發各有常期或一日一發或間日三日而

一作或先寒後熱或先熱後寒如信人有約定不

爽也產後患此多因瘀血傳留榮衛不和故有斯

疾然有似瘧一證亦發寒熱蓋因氣血被竭陰陽

兩虛陽虛則作寒陰虛則發熱也二者之治須當
詳辨倘率以瘥法施治則禍不旋踵矣

暑因瘀血停留者加味生化湯 痰飲食積者加

味二陳湯 外感風寒者藿香正氣散 榮衛

不和乃氣血衰弱也柴胡八珍湯 氣血並竭

陰陽兩虛以致寒熱似瘥者當補益氣血為主

八珍湯十全大補湯陰陽平均則寒熱自除矣

宜與前^寒熱條互相參考

加味生化湯本自五四

加味二陳湯 本門五五

藿香正氣散 本門五六

柴胡八珍湯 本門五七

八珍湯 見月經門二三

十全大補湯 見月經門二四

蓐勞 三六

產後氣血兩虛 蚤起勞動 六淫外傷 七情內損 致有寒熱 往來 臍腹脹痛 懶食 廢飲 貪臥 嗜眠 起則目眩 頭暈 甚而骨蒸 潮熱 盜汗 自汗 痰喘 嗽嗽 面

色萎黃肌肉消瘦日漸羸羸名曰羸勞皆不善調攝之所致也當先健脾胃俾飲食漸進中氣日充則氣血生化諸歲有賴繼餌之以調榮益衛補虛培損庶可望其有濟也

吾健理脾胃惟六君子湯加減主之使能食易消則水穀之氣化生精微後天氣血日隆精神由之漸旺然後調補榮衛三合散加減主之日久惟見虛羸者法當大補氣血如八珍十全人參養榮之類隨宜施用方俱見月經門茲不冗

贅

六 呂子湯 見經問門五

三 合散 本門五八

血崩 三七

產後陰血已亡未得平復更患崩證乃血脫氣陷
之疾也致此之由或勞役過度或瘀血傳留或因
驚恐而觸心或為忿怒而傷肝蓋氣血大虛之際
一切最易干犯治此之法須當詳審若少腹滿痛
不已而脈實大緊數者此肝陰已竭肝氣隨敗矣

難治

暑勞後過度者法當峻補宜加味十全大補湯

瘀血停滯者少腹必有形徵按之則痛宜佛手

散失笑散以逐之倘遽止其血必致淋漓因

驚恐者歸脾湯 忿怒傷肝疎泄用事故血妄

行也茅地道遙散

加味十全大補湯 本門五九

佛手散 見月經門八

失笑散 見經門八

歸脾湯見月經門十四

茅地道遙散本門六十

大便秘結三八

大腸者轉導之官變化出焉產後血去太過傷其
津液胃燥腸枯故令大便秘結也若飲食如常腹
無脹滿之苦者不可輕為導下致傷元氣惟宜滋
陰養血為主血旺則腸胃津回而便自通利矣方
宜四物湯重用當歸木加肉蓯蓉火麻仁之類

四物湯見月經門一

小便淋閉 三九

產後淋閉由邪熱挾瘀血流滲膀胱故腹脹而痛
當以和藥通利為主加味四物湯主之

加味四物湯本門六一

小便頻數不禁淋瀝 四十

產後氣虛陷下多令小便頻數而色白腎虛不固
小便自遺而不禁若產時穩婆傷其胞將多致小
便淋瀝須詳分施治

善氣虛頻數者補中益氣湯 腎虛遺尿不禁者

加味地黃湯 胞脬傷而淋瀝者黃芪當歸散

補中益氣湯 見月經門四八

加味地黃湯 本門六二

黃芪當歸散 本門六三

大便出血 四

產後便血有因膏粱積熱醇酒濕毒壅積胃中傳
及大腸者有脾氣餒弱不能統攝者有中氣下陷
無力升提者析而明之施治可也

若腸胃積熱者加味參連四物湯 脾虛不能統

血者歸脾湯 中氣下陷者補中益氣湯

加味苓連四物湯 本門六四

歸脾湯 見月經門十四

補中益氣湯 見月經門四八

小便出血 四二

產後漏血因氣血衰弱由內起乘之於血血得
熱則流滲脬內故血隨尿出若兼脇脹少食者此

肝乘脾也

若熱流脬內者加味四物湯 脇脹少食者加味

逍遙散

加味四物湯

本門六一

加味逍遙散

見月經門十

敗血成癰四三

新產丰月前後癰腫發於四肢胸腹者是敗血不盡流滯經絡或氣虛血弱榮氣不從逆於腠理也二者之辨亦有差別敗血瘀滯者炊腫赤痛而脈弦洪有力當養血之中佐以導瘀氣虛血弱榮溢衛逆者平塌散漫而脈虛微少神宜峻補氣血以

固本元以此察之癥虛立判治療之法隨其虛實
務使氣壯血和其毒乃解若以清涼解毒為事勢
必不懼不潰而成壞證矣

若敗血而成者金翹生化湯氣血虛弱者十全

大補湯加金銀花乳香沒藥

金翹生化湯本門六五

十全大補湯見月經門二四

月水不通四四

產後月水不通者不必藥也蓋衝任二脈為經絡

之海皆起胞中乎太陽少陰二經上為乳汁下為
月水產時去血過多乳汁每每不通是乳與月水
皆一血也故乳子半歲一歲之內月經不行者乃
其常候或半歲經即行者必少壯血盛之人若一
二年不行無他疾苦亦不宜用通經之藥蓋此非
勞傷榮衛即衝任虛耳但健理中州培補氣血
則經自流行倘強欲通之是與榨乾汁者無以異
也

產後虛實審宜四五

朱丹溪曰產後氣血兩虛惟宜大補雖有他證以
未治之張從政曰產後慎不可作諸虛不足治二
公之論不無各偏嘗見遵朱者則失於溫補守張
者則誤乎清涼顛倒錯施比比皆然躬救其偏者
指不勝屈故特剖而析之夫人稟賦不齊勇怯各
異即產後諸證亦各有虛實之殊如證發壯熱色
見紅赤脈息沉實滑數之類者實也熱也證候喜
暖色見黃白脈息虛弱細遲之類者虛也寒也治
療之法虛則補之實則瀉之寒則溫之熱則清之

余守用有年從未致誤總之能於形證脈三者參
詳何施不可經曰能合鱗色可以萬全其斯之謂
歟

產後門彙方

奪命散一

沒藥

血竭各等分

右研為細末纔產下便用童便細酒各半盃
煎一兩沸調下二錢良久再服其惡血自下
行便不衝上免生百疾

生化湯 二

當歸 四錢

丹參 一錢

紅花 八分

水煎服

情魂散 三

澤蘭葉

川芎 五錢

甘草 二錢

川芎 二錢

桃仁 十四粒

薑炭 一錢

人參 各二錢

荆芥穗 一兩

若為末用溫酒熬湯各半盃調一錢灌之下
咽眼即開氣定即醒

獨參湯 四

用人參 三五錢

水煎服

芎歸湯 五

當歸 五錢
酒洗

川芎 二錢五分

水煎服或沖童半杯服之

大巖密湯 六

當歸

熟地

白芍

各二錢

乾薑

肉桂

各一錢

吳茱萸

獨活

遠志

細辛

甘草

各八分

水煎服

加味二陳湯

七

半夏

陳皮

茯苓

甘草

炙

神麴

麦芽

砂仁

木香

加生薑三片水煎服

當歸羊肉湯

肥羊肉一作去脂

當歸五兩

黃芪四兩

生薑六兩

右先以水一斗煮羊肉取汁八升後下三味煮取二升五合分為四服

異功散丸

人參

白朮

茯苓

陳皮

神麴

山楂肉

甘草

炙

右加薑棗水煎服

查朮二陳湯+

半夏

陳皮

茯苓

甘草

炙

白朮

山楂

右加生薑三片水煎溫服

香桂散 + 一

當歸

肉桂

川芎 各等分

右為末酒調服

延胡索散 + 二

延胡索

當歸

赤芍藥

桂心

生蒲黃

紅花

琥珀 各等分

右以好醋浸一宿焙乾為末每服二錢酒調下

四君子湯十三

人參

白朮

白苓

甘草 炙

加薑棗水煎服

佛手寄生湯十四

當歸

川芎

桑寄生

獨活

肉桂

續斷

牛膝

防風

酒水各半煎服

越痛散十五

當歸

官桂

白朮

黃耆

獨活

牛膝

生薑

各五錢

甘草
炙

薤白 各三錢五分
桑寄生 五錢

舌 咬 咀 每服五錢 水煎服

秦 汶 四 物 湯 十 六

藜 地
當 歸

白 芍
川 芎

秦 朮
沒 藥

桃 仁
紅 花

酒 一 水 二 煎 服

二 陳 湯 十 七

白朮

陳皮

加薑水煎服

丁香豆寇散十八

公丁香

伏龍肝 各等分

右為末生薑湯點服

參附湯十九

人參 一兩

白豆蔻仁

半夏
次草

附 五錢
炮

右作一服薑枣水煎徐徐服

去人參加黃耆名耆附湯

荔枝飲 二十

竹茹

橘皮 各三錢

乾柿 一枚

水薑 煎服

都氣湯

熟地 四錢

山藥 煨

山萸 酒各二錢 去核

白苓

丹皮酒製

澤瀉各一錢五分

五味子五分

肉桂一錢

水煎服

二味參蘓飲 二二

人參一兩
為末

蘇木 二兩

右以蘇木煎湯沖人參末服

枳木湯 二三

枳實二兩
炒

白朮二兩
炒

水薑煎服

小調中湯二四

白朮 一錢五分

當歸

陳皮 各一錢

水煎服

小調經散二五

白芍

沒藥

桂心 各一錢

茯苓

白芍

當歸

琥珀

細辛

麝香 各五分

吾為末每服五分薑汁溫酒各少許調服

增損四物湯二六

當歸

白芍

川芎

人參

甘草
炙

炮薑

水煎服

更生散二七

當歸

生地

川芎

荆芥穗 三錢

水煎服

葱柴四物湯 二八

熟地 四錢

白芍 三錢
酒炒

葱白 三寸

水薑煎服

黃耆湯 二九

人參 各二錢

乾薑 炮 八分

當歸 二錢

川芎 錢五分

柴胡 二錢

黃耆 三錢

牡蠣粉 二錢

白朮 二錢

茯苓 一錢

麥冬 二錢

熟地 三錢

去心

防風 一錢

甘草 七分

右加浮小麦一合煎服

當歸六黃湯三十

當歸

熟地黃

黃耆 各二錢

生地黃

黃蘗 炒黑

黃芩 炒黑

黃連 各一錢
炒黑

水煎服

附防十全大補湯三一

人參 一錢

黃芪 二錢
炙

白朮 二錢
土炒

白苓 一錢

熟地 三錢

當歸 二錢

白芍 二錢
酒炒

川芎 一錢

肉桂 一錢
去皮

甘草 七分

附子 一錢
炮

防風 五分

舌加薑棗水煎服

釣藤八珍湯三二

人參 去一二錢

茯苓 一錢

熟地 三錢

白芍 酒二錢炒

丹皮 酒洗

釣藤 鈎一錢

薑棗水煎服

煎服

白朮 土二錢炒

甘草 炙八分

當歸 酒二錢洗

川芎 一錢

生地 酒若一錢洗

五分

釣丹四君湯 三三

人參 一錢

白朮 一錢五分

釣藤鈎 一錢五分

鹽棗水煎服

加味八珍湯 三四

人參 一錢

白朮 一錢

熟地 三錢

白朮 二錢

甘草 八分

丹皮 一錢

白朮 二錢

甘草 八分

當歸 二錢

白芍 二錢

遠志 六分

釣藤 鈎 一錢

薑棗水煎服

星連二陳湯 三五

膽南星 一錢五分

橘紅

白苓 各一錢五分

生薑水煎服

川芎 一錢

菖蒲 五分

黃連 一錢
姜汁炒

半夏 姜炙

甘草 六分

七珍散 三六

人參

石菖蒲

生地

川芎 各一兩

細辛 一錢

防風

辰砂 各五錢
另研

若為細末 每服一錢 薄荷煎湯調服

茯神散 三七

茯神 去木 兩

人參

黃耆 兩

赤芍

牛膝

龍齒

研各一錢五分

琥珀

生地一兩五錢

桂心五錢

當歸二兩

右為末每服三錢水煎服

鎮心歸脾湯三八

人參一錢

白木二錢

黃耆二錢

當歸二錢

茯苓一錢

遠志六分

杏仁二錢

木香四分

甘草 八分

龍齒 一錢

加薑棗水煎服

妙香散 三九

甘草 五錢

小蘗 姜汁炒

茯神 去木

人參

辰砂 三錢 另研

龍眼肉 一錢

硃砂 五分 水飛調

遠志 製去心

茯苓

黃耆 老一兩

桔梗 各五錢

麝香 二錢 另研

木香 一錢五分

右為細末每服二錢當歸熟地煎湯調下

人參當歸湯 四十

人參

當歸

熟地

麥冬

白芍 各二錢

五味子 三分

桂枝 一錢

右剉水煎服

參麥飲 四一

人參

五味

右水煎服

麥粉四物湯四二

麥冬二錢

熟地四錢

白芍二錢

右水煎服

竹葉歸耆湯四三

麥冬

花粉一錢

當歸二錢

川芎一錢

人參

當歸

竹葉 二十片

右剉水煎服

旋覆花湯 四四

旋覆花

荆芥穗

前胡

茯苓

白朮 土炒

黃耆 炙 各二錢

甘草 炙 五分

赤芍藥

半夏 麩

甘草 炙

五味子

杏仁 去皮尖麸炒

麻黃 各等分

右吹咀每服四錢水一盞半生薑三片葱一

枚煎至七分去滓食前溫服有汗不宜用

桃紅佛手散 四五

當歸 五錢

川芎 二錢

杏仁 十四粒 去皮尖

川貝 一錢 去心

延胡索 二錢

桃仁 十四粒 去皮尖 研泥

紅花 一錢 酒浸

右水煎服

人參澤蘭葉湯 四六

人參 五錢

澤蘭葉

丹皮

牛膝 各二錢

生地 三錢

熟地 五錢

藕節五枚煎冲童便服

槐連四物湯 四七

當歸

川芎

赤芍

生地

槐花

黃連

各一錢

御米殼 五分
去蒂蜜炙

古劉水煎服

六一四物湯 四

熟地 三錢
土炒

當歸 二錢

白芍 三錢
酒炒

川芎 一錢

甘草 三分

滑石 二錢
末調

水煎服

芍藥湯 四九

白芍藥 炒

當歸

黃連炒各半兩

木香

桂二錢五分

檳榔

甘草炙各二錢

黃芩炒三錢

者每服半兩水煎如不減加大黃此證又有
因中氣虛弱脾氣鬱結者治當審察

真人養藏湯五十

人參

白朮

白芍

肉桂

肉蔻

訶子煨各一錢

木香

甘草

罌粟殼 各八分

苦劉薑 專煎服

人參 敗毒散 五

羌活

獨活

柴胡

前胡 各一錢五分

枳殼

桔梗

人參

茯苓 各一錢

川芎 八分

甘草 五分

右劉薑蔥煎服

香連丸 五二

黃連 十二兩

吳茱萸 十兩 去枝梗

右先將二味用熟水拌和入磁器內置熟湯
煨一日同炒至黃連紫黃色去茱萸用連為末
每末四兩入木香末一兩淡醋米飲為丸梧
桐子大每服二三十丸滾湯下久痢中氣下
陷者用補中益氣湯下 中氣虛者用四君
子湯下中氣虛寒者加薑桂

膠榆四物湯 五三

熟地 四錢
當歸 二錢

白芍 二錢
川芎 一錢

血餘 一錢
烏鯽魚骨 一錢

阿膠 一錢
地榆 一錢

右剉水煎服

加味生化湯 五三

當歸 二錢
川芎 一錢

丹參 一錢
紅花 一錢

桃仁

柴胡

薑炭

鱉甲

右剉水煎服

加味二陳湯立立

半夏

陳皮

白朮

山楂

厚朴

甘草
炙

加薑水煎服

藿香正氣散立立

藿香 一錢五分

桔梗

大腹皮

紫蘇

茯苓

白朮 炒

白芷

半夏 麩

陳皮

厚朴 各一錢

甘草

五分

右剉薑水煎服

柴胡八珍湯 五七

人參 一錢

白朮 二錢

白朮 一錢

熟地 三錢

白芍 二錢
酒炒

柴胡 一錢

半夏 一錢
姜炙

右加薑棗水煎服

三合散 五八

當歸

茯苓

甘草 八分

當歸 二錢

川芎 一錢

黃芩 一錢
炒

白芍

熟地 各一兩

柴胡

人參 各一兩五錢

黃芩

半夏 製

甘草 各六錢

川芎 一兩

右為粗末每服一兩水一鍾半煎服日三

加味十全大補湯五九

人參

白朮 土炒

茯苓

甘草 炙

熟地

白芍 酒炒

當歸

川芎

黃芪

肉桂

阿膠

升麻

薑炭

續斷

加魯夷水煎溫服

茅地道遠散六十一

當歸

白芍酒炒

白朮

土炒

茯苓

柴胡

黑梔子

生地

白茅根

甘草

水煎脂

加味四物湯六一

生地

白芍

蒲黃生

桃仁

滑石

木香

白朮

黃芩

茯苓

當歸

川芎

瞿麥

牛膝

甘草梢

木通

水煎服

加味地黄湯六二

熟地

山藥

山萸

白朮

丹皮

澤瀉

益智仁炒

桑螵蛸炒

補骨脂炒

附子炮

肉桂

去皮

右剉水煎服

黃耆當歸散 六三

人參

白朮 土炒

黃耆

當歸

白芍 各三錢

甘草 八分

右剉薑棗水煎服

加味芩連四物湯 六四

生地 三錢

當歸 二錢

白芍 二錢

川芎 一錢

黃芩 一錢

黃連 一錢

枳黑

枳黑

地榆 一錢

荆芥穗 一錢

棕攔皮 一錢

右剉水煎服

金匱生化湯 六五

當歸 三錢

丹參 一錢

桃仁 十四粒
去皮尖研

乳香 一錢
去油

阿膠 一錢

赤麻 八分

川芎 錢五分

紅花 八分

薑炭 八分

沒藥 一錢
去油

金銀花 錢五分

連翹 一錢

甘草節 一分

右剉水煎服

回生丹 六六

錦紋大黃為一劑末

籬木 三兩 打碎用河水五碗煎汁三碗聽用

大黑豆 三升 水浸取殼用絹袋盛穀同豆煮

紅花 三兩 取汁聽用 炒黃色入好酒四碗煎三五滾去

米醋 九劑 聽用 聽用 聽用

將大黃末一觔入淨鍋下米醋三觔文火熬
之以長木筯不住手攪之成膏再加醋三觔
熬之又加醋三觔次第加畢然後下黑豆汁
三碗再熬次下蘓木汁次下紅花汁熬成大
黃膏取入瓦盆盛之大黃鍋粳亦鑿下入後
藥同磨

人參

膏歸酒洗

川芎酒洗

香附醋炒

延胡索酒炒

蒼朮米泔浸炒

蒲黃

桃仁 各一兩
去皮尖酒

甘草 炙

川羌活

白芍 各五錢
酒炙

青皮 各三錢
去穢炒

沒藥 各二錢

木香 四錢

烏藥 二兩五錢
去皮

茯苓

川牛膝 酒洗

地榆 酒洗

廣橘紅

木瓜

乳香

益母草 三兩

白朮 三錢
米泔浸炒

良薑 四錢

馬鞭草 五錢

秋葵子 三錢

熟地

九一兩務要

三稜

醋五錢浸透紙裹煨

五靈脂

五錢化替乾研細

山萸肉

酒五錢浸蒸搥

者三十味并前黑豆殼共晒為末入石臼內

下大黃膏拌勻再下煉熟蜜一觔共搥千杵

取起為丸每丸重二錢七八分靜室陰乾須

二十餘日不可日晒不可火烘乾後只重二

錢有零鑲蠟護之即蠟丸也用時去蠟殼調

服湯引列左

一臨產用人參湯服一丸則分娩全不費力如無

人參用淡淡炒鹽湯調化服之

一凡胎已成子食母血血裹其子服此丹逐去敗

血自然易生 急橫生逆產者同治

一氣血兩虛力不能送以致產難者宜多人參

湯調服一丸

一或因母染重病或因抱重物傷胎或腹為物所

觸致使子死腹中用車前子一錢煎湯調服

一丸或二丸三丸無不下者

一因血下太蚤子死腹中用人參車前子各一錢
煎湯調服一九如無人參用陳酒少許煎車
前子湯下之

一胞衣不下用炒薑少許泡湯調服一九或二九
三九即下

一產後去血過多以致血暈用薄荷湯調服一九
即醒

以上六條乃臨產緊要關頭雖明醫不能措手
稍有餘貴者當須備之利己兼以濟人功德無

量矣

一產後血暈起止不得眼見黑花皆血氣未定奔
走五藏上衝於肝之所致用滾白水調化一
丸服之即愈

一產後七日血氣未定因食與血結聚胸中口乾
心悶煩躁用滾白湯送下一丸愈

一產後血入心肺熱入脾胃寒熱往來似瘧用
滾白水送下一丸愈

一產後收血走注五藏停留四肢徧身浮腫口渴

惡寒此乃血腫非水腫也用白滾水調服一
丸自愈

一產後心中煩躁言語顛狂此血熱也非風邪也
用滾白水調服一九或二丸愈

一產後敗血流入心孔閉塞聲音用甘菊花三分
梧楸三分煎湯調服一九愈

一產後月內誤食寒酸堅硬之物與血相搏流入
大腸不能剋化瀉痢膿血用山查煎湯調服
一九愈

一產時百節開張血入經絡停留日久以致週身

虛脹酸痛非濕也用蘓梗三分煎湯調服一

丸愈

一產月內飲食或不應時事務或動氣怒以致餘

血流入小腸閉却水道小便澁結溺血似雞

肝用木通四分煎湯調服一丸又或流入大

腸閉却肛門大便澁結便下瘀血如雞肝色

者用廣陳皮三分煎湯調服一丸愈

一產後惡露未淨飲食寒熱失調以致崩漏形色

如肝潮熱煩悶背膊拘緊用白朮三分陳皮
二分煎湯調服一九愈

一產後血停於脾胃脹滿嘔吐非翻胃也用陳皮
煎湯調服一九愈

一產後敗血入五藏六府徧走四肢面黃口渴鼻
中流血通身斑點危證也陳酒化服一九

一產後小便澀大便閉乍寒乍熱如醉如癡用滾
白水調服一九愈

以上十三條皆產後敗血為害服此丹最有奇

効至產後一切異證人所未經醫所不識但服
此丹無不立効一九不應二九三九必効無疑
胎前常服能壯氣血養胞胎室女經閉月水不
調諸證並効

產後十八論神驗方六七

此淡溪覺河圖道先氏傳也序云予子媳孕素
弱多病臨產愈甚舉家惶恐延醫十數聚論無
儕真呼吸死生也適有好友於老醫處覓得此
方持送極言其效予無計可施只得按症投藥

一服而母子保全其應如嚮後值家人婦三四
輩皆產後危症按論而治不爽毫釐族黨親友
以此方治人者無不神驗歷年以來百投百效
用是公之於世庶產難有解而生全無算矣

紅花 二兩

官桂 一兩五錢

乾薑 一兩二味如婦人三十歲以外者再加五

熟地 一兩

當歸 一兩

莪朮 一兩

蒲黃 一兩

赤芍 一兩

雄黑豆 一兩

右藥九味如法炮製共為細末盛磁瓶內須
封口勿令出氣臨用時每服三錢凡患產
後諸症者細查十八論中心其所患與所論
相符乃照所論引子用水二鍾煎七分將前
藥三錢沖入攪勻空心溫服即效其服數不
拘多少總以病好為度大約重者不過四五
服輕者二三服而已

一孕婦有患熱病六七日小腹疼痛欲死指甲青
色而口中出沫者皆因臟腑熱極以致子死

腹中不能順下耳善服此藥即產用滑石榆皮各一錢煎湯加陳酒三分和藥服如不熟連鍾頭滾水內候熟服

一凡難產者因子在母腹飲血十個月或有餘血凝結為塊名曰兒枕生時兒枕先破敗血流入衣胞中所以難產急服此藥逼去敗血自然易生用炒黃燕子糞滑石榆皮各一錢煎湯加酒三分和藥服

一胎衣不下敗血流入衣中所致用炒黃燕子糞

滑石榆皮各一錢煎湯加酒三分和藥服

一產後三五日起坐不得眼見黑花及心迷不識

人者因敗血流入五臟奔注於肝庸醫不知

誤認為暗風治之必死惟此藥能救用陳酒

一鍾將生鐵燒紅浸其內俟鉄冷取出再燒

紅浸之如是三次用榆根皮菴延胡索各一

錢煎入陳酒童便各三分和藥服

一產後口乾心悶多煩渴者乃氣血未定便喫腥

酸熱物以致餘血結聚於心故有此症用當

歸一錢煎湯入童便三分和藥服

一產後寒熱往來頭疼腰背痛者皆產時偶受風寒邪氣入於腸內敗血不盡上連心肺下至肝腎故有此症用當歸一錢煎湯入童便三分和藥服

一產後發熱或徧身寒冷皆因敗血攻注於四肢停滯日久不能還元仍結滯血甚至四肢俱腫若作水腫必誤蓋水腫則喘小便澀滯氣腫則四肢寒熱須細細辨明先服此藥逐去

敗血次服通寶散立效用官桂紅花各一錢
煎湯入陳酒三分和藥服

一產後言語顛狂眼見鬼神乃敗血攻心所致急
服此散用當歸一錢酒半鍾煎湯入童便三
分和藥服

一產後失音不語是七孔三毛九竅多被敗血冲
閉所以言語不得用延胡索棕皮各一錢煎
湯入陳酒三分和藥服

一產後腹痛魚瀉痢或腹脹虛滿者皆因月中誤

啖生冷熱物而餘血結聚日久漸甚腹脹疼
痛米穀不消或膿血不止水氣入腸冷痛或
敗血入小腸瘦赤白帶須先服此藥逐去敗
血然後調治瀉痢用葛根一錢煎湯入童便
陳酒各二分和藥服

一產後百節疼痛乃敗血入於關節之中聚結虛
脹不能還元故耳用酒半鍾牛膝一錢煎湯
入童便三分和藥服

一產後有血崩如雞肝昏悶發熱者因敗血未定

誤喫腥酸之物所致用樟柳根杏膠各一錢煎湯入陳酒三分和藥服

一產後昏迷驚恐氣逆咳嗽四肢寒熱口乾心悶或背膊酸腫腹中時痛皆因血未還元早喫熱物麪食致有此症日久甚至月經不通黃赤帶下而小便或滑或脹急服此散用樟柳根杏膠各一錢煎湯入陳酒三分和藥服

一胸膈氣滿嘔逆者敗血未淨心有惡物肺氣不清所以如此不可作傷食治宜服此藥可用

樟柳根杏膠各一錢煎湯入酒三分和藥服
一產後小便赤色大便澁滯或產門脹腫乃敗血
流入小腸閉却水道所致切勿認作淋澁當
服此散用樟柳根杏膠各一錢煎湯入陳酒
三分和藥服

一產後舌乾鼻衄透項生點者敗血流入五臟也
用當歸一錢酒半鍾煎湯入童便三分和藥
服

一產後腰肩眼澁或渾身拘攣牙關緊閉或兩脚

如牙狀如中風者因百日之內過行房事耳
用烏蝦蟆蒜子各一錢煎湯入陳酒三分和
藥服

一產後臟腑不安言語不得咽喉作蟬聲者乃月
中誤喫熱物或停宿食而敗血攻注喘息間
上下往來與牙關相緊故有此症用乳香一
錢煎湯入陳酒三分和藥服 原方本係末
藥如倉卒有患產症者未獲梨末藥即照原
方藥料用十分之一仍按症照引煎服以病

好為度亦百識百驗

此

婦科水鑑卷八

乳證門目錄

乳汁不行一

乳汁自湧二

乳癰三

吹乳四

乳巖五

妬乳乳懸六

乳證門彙方目錄

加味四物湯一

當歸補血加蔥白湯二

涌泉散三

漏蘆散四

兔懷散五

麦芽煎六

消毒飲七

梧蠶散八

玄効散九

天南星散十

葱熨法十一

十六味流氣飲十二

木香生地餅十三

青皮甘草飲十四

鹿角散十五

連翹散十六

前陰門目錄

陰腫一

陰痛 二

陰瘡 三

陰挺 四

陰瘡 五

陰痔 六

陰冷 七

陰吹 八

交接出血 九

前陰門彙方目錄

龍膽瀉肝湯 一

薰洗法 二

騰慰法 三

四物乳香敷法 四

桃仁雄黃膏 五

蛇床洗法 六

藜蘆敷法 七

加味四物湯 八

烏頭薰法 九

八味地黄丸 十

溫中坐藥 十

膏髮煎 十二

桂心釜墨散 十三

雜證門目錄

熱入血室 一

血分水分 二

夢與鬼交 三

突齋 四

血風瘡 五

臙瘡 六

三眼瘡 七

雜證門彙方目錄

小柴胡湯 一

清熱行血湯 二

半夏厚樸湯 三

本草綱目卷之三

新羅國身所二

小葉如樹一

藤皮門身百餘

葉羽狀六

細葉一

直屬心六

香木葉三

婦科冰鑑卷八

乳證門

乳汁不行一

產婦乳汁乃血液所化稟乎太陰之氣故其色白
其不行者或因去血過多則氣虛血弱無可流通
或瘀血停留則氣壅血滯必脹而且痛隨證施治
可使必已既行之後飲食最宜甘淡蓋乳由氣血
所化而氣血必藉水穀長養倘恣嗜妄忌則乳性
隨之而變以此哺兒必致多病有一兒昏睡竟日

不醒舉家驚惶求醫投藥罔效一高醫診之曰此
兒中酒得母乳母曾痛飲乎詢之果然停藥而醒
可見其利害相關明矣

若氣血虛者加味四物湯或當歸補血加葱白湯

氣血壅滯者湧泉散漏蘆散

加味四物湯本門一

當歸補血加葱白湯本門二

湧泉散本門三

漏蘆散本門四

乳汁自湧二

產後乳汁自出者有胃氣虛弱不能斂攝津液者宜補胃氣以斂之有氣血大虛以致氣不衛外血不榮裏而為妄泄者宜調補榮衛以止之若產婦勞役太過乳汁湧下者此陽氣虛而斂也未產乳汁自出謂之乳泣生子多不育

若胃氣虛者四君子湯加黃芪

氣血大虛者十

全大補湯倍參芪

勞役太過陽氣虛而厥者

獨參湯

若食少乳多欲回其乳者兔懷散

若無兒食乳欲斷者麥芽煎

四君子湯見產後門十三

十全大補湯見月經門二四

獨參湯見產後門四

兜懷散本門五

麥芽煎本門六

乳癰三

婦人乳房屬陽明乳頭屬厥陰若忽然紅腫堅硬
疼痛憎寒壯熱此欲成乳癰也宜急治之當疏肝

清熱兼以養血敗毒則腫硬自消否則必血滯不
舒加以乳汁壅積則潰而成膿矣

暑初起或已成癰者消毒飲加減主之 潰後氣

血虛弱者人參養榮湯 膿清不斂者惟十全

大補湯為靈

消毒飲本自七

人參養榮湯見月經門二二

十全大補湯見月經門二四

吹乳 四

吹乳者因乳窠之時被兒口氣所吹以致乳管不通蓄積在內遂成結核腫硬脹痛當蚤為消除否則久必成癰潰腐流膿則難治矣

善初起之際須恐肩攝散為妙方宜枯萸散主之服後不效者立効散外用天南星散敷之又宜以慈慰法慰之

枯萸散

本門八

立効散

本門九

天南星散

本門十

慈慰法 本門十一

乳巖五

乳巖之證初起結核如圍碁子大不痛不癢五七年後或十餘年後內潰破嵌空玲瓏洞竅深陷者如山巖故名乳巖皆由抑鬱不舒或性急多怒傷損肝脾所致宜速開鬱解怒戒七情遠葷味始望有濟矣

若結核初起者十六味流氣飲外以木香生地槲
餅熱氣慰之又以青皮甘草飲不時飲之 差

潰後久不愈者惟宜培補氣血如十全八珍歸

脾等湯選而用之

十六味流氣飲

本門十二

木香生地餅

本門十三

青皮甘草飲

本門十四

妬乳乳懸六

乳頭生瘡謂之妬乳若兩乳細長下垂過腹者謂之乳懸乃瘀血上攻所致此證惟產後始有不繫見也

吾乳頭生瘡者宜鹿角散敷之內服連翹散
乳細垂者宜芎歸湯不時飲之以其餘藥薰鼻
則瘡散乳即上升如不上者以草麻仁搗貼頂
心叔急去之

鹿角散

本門十五

連翹散

本門十六

芎歸湯

見產後門五

乳證門彙方

加味四物湯

穀地

當歸

白芍

川芎

花粉

王不晉行

木通

右用猪蹄熬湯煎服外以葱白煎湯時時淋洗乳房以通其氣

當歸補血加葱白湯二

當歸 四錢

黃耆 一兩

葱白 五寸

右剉水煎服

或加白芷四五錢猪蹄湯煎

漏蘆散 三

白丁香

王不留行

天花粉

漏蘆

殭蚕 各等分

老猪蹄湯煎服

漏蘆散 四

漏蘆 一兩半

蛇退 十條

栝蒌 十枚急火煨存性一方
用杯十個切炒

右為末每服二錢酒調下仍食猪蹄羹以助

之

兔懷散 五

紅花

赤芍

歸尾

牛膝

右剉水煎服

麥芽煎 六

麥芽 三兩

水煎作茶飲

消毒飲 七

青皮

當歸

浙貝母

天花粉

甘草節 各等分

水煎服

栝蒌散 八

栝蒌 一園

白芷

柴胡

僵蚕

金銀花

乳香

沒藥

當歸

甘草 各等分

右為末酒煎服

立効散 九

即前枯萎散加皂刺也煎服同

天南星散 +

南星

半夏

礞石

白芷

皂刺

草烏 各等分

右為細末用葱汁合蜜調敷

葱熨法 十一

用連根葱一大把搗爛成餅一指厚攤乳上用
瓦礫盛反覆葱上須臾汗出即愈

十六味流氣飲 十二

當歸

白芍

人參

黃耆 各二錢

川芎

防風

蘇葉

白芷

枳殼

甘草

烏藥

官桂

桔梗 各一錢

檳榔 各五分

厚樸

木通 各八分

右剉每服五錢水煎服

木香生地餅十三

木香 二錢

生地 四錢

右二味搗成餅置患所以熱湯器熨之

青皮甘草飲十四

青皮

甘草 各一錢

右為末煎薑湯調服

鹿角散 十五

鹿角

甘草 各等分

右為末雞子黃調銅器內炙敷之

連翹散 十六

連翹

防風

元參 各二錢

白欬

芒消

大黃

射干 各一錢

升麻 五分

杏仁 二十粒

右剉薑水煎服

白芍 一錢

甘草 五分

前陰門

陰腫一

婦人子戶腫脹墜痛及兩脇疼痛者謂之疝疝乃
肝心二經火盛濕熱下注或中氣素虛下陷重墜
以致憎寒壯熱小便澀滯或腹內急痛或小腹痞
悶法當瀉肝熱養肝血升補中氣治無餘矣
若兩脇小腹腫痛者肝經濕熱壅滯也龍膽瀉肝
湯 玉門腫脹者肝火盛而血虛也加味逍遙
散或龍膽瀉肝湯加木香倘投以散血攻毒之

劑則誤甚矣 若中氣素虛下陷重墜者補中

益氣湯外俱宜用騰洗之法則腫消而痛自定

龍膽瀉肝湯 本行一

加味道遙散 見月經門十

補中益氣湯 見月經門四八

董洗法 本行二

騰慰法 本行三

陰痛 二

婦人陰中作痛名小戶嫁痛痛極往往手足不能

伸舒由鬱熱傷損肝脾濕熱下注所致也

治此者宜內服加味道遙散外以四物湯料合乳香根餅納陰中其痛即定

加味道遙散見月經門十

四物乳香敷法本門四

陰癢三

婦人陰癢由鬱怒傷肝結滯不散濕熱蓄起因而生蟲甚則陰內癢痛不時出水肢體倦怠小水淋漓法當養血清肝則癢痛可消矣

善治此者宜加味道遙散甚則龍膽瀉肝湯外以
桃仁雄黃膏細陰中其蟲一聞肝腥皆鑽於肝
內吮食將肝提出此去蟲之法也蟲去其病即

愈

加味道遙散 見日經門十

龍膽瀉肝湯 左門一

桃仁雄黃膏 本門五

陰挺 四

婦人陰中突出一物如蛇頭或如菌如雞冠者名

曰陰挺即古之癩疝類也或因胞絡損傷或分媿
用力太過或氣虛下陷或濕熱下注但此證有熱
虛之辨不可不析其形腫痛小便赤數者為熱為
濕其形重墜小便清長者為虛氣下陷也
若屬濕熱者龍膽瀉肝湯或加味道遙散 屬氣

虛下陷者補中益氣湯加青皮小枳外俱宜用
紙來洗法洗後以藜蘆敷法敷之無不愈者

龍膽瀉肝湯左行一

加味道遙散 見目經行十

補中益氣湯見月經門四八

蛇床洗法本門六

蒸蘆敷法本門七

陰瘡五

婦人陰瘡名曰蠱由七情鬱火傷損肝脾氣血凝滯濕熱下注久而蟲生蟲蝕成瘡膿水淋漓時疼時癢有善蟲行少腹脹悶溺赤頻數食少體倦內執補熱經後不調赤白帶下種種證見須詳而治

若腫痛者加味四物湯 潰爛出水而痛者加味

逍遙散 重墜者補中益氣湯

加味四物湯 本門八

加味逍遙散 見月經門十

補中益氣湯 見月經門四八

陰痔六

婦人陰中有肉突出者名曰陰痔俗稱茄子疾也
流黃水者易治流白水者則難愈矣

治此者宜逍遙散歸脾湯補中益氣湯量其虛實

用之外宜烏頭薑法

逍遙散

見月經門九

歸脾湯

見月經門十四

補中益氣湯

見月經門四八

烏頭薑法

本門九

陰冷七

婦人陰冷皆由勞傷過度風寒乘虛客於子藏久之血凝氣滯多變他證且艱於受孕也

治此者宜多脂八味地黄丸以漸圖功外宜溫中

坐藥

八味地黄丸 本門十

溫中坐藥 本門十一

陰吹八

婦人陰吹者陰中時時氣出有聲如穀道轉矢氣狀金匱謂由穀氣實胃氣下泄用膏髮煎導病從小便而出其法甚奧若氣血大虛中氣下陷者宜十全大補湯加升麻柴胡以升提之

膏髮煎

本門十二

十全大補湯 見月經門二四

交接出血

婦人每交接輒出血者由傷損心脾二經也宜歸脾湯加伏龍肝或用千金桂心奎墨散

歸脾湯 見月經門十四

桂心奎墨散 本門十三

前陰門彙方

龍膽瀉肝湯 一

生地 二錢

木通

車前子

各一錢五分

澤瀉

黃芩各二錢

當歸二錢

黑梔仁

龍膽草

生甘草

右燈心一團水煎服

薑洗法二

防風三錢

大戟一錢

蘄艾一團

右熬湯薑洗

騰慰法

枳實

廣皮 各等分

右為末炒熱騰慰之

四物乳香敷法

四物湯 一料 乳香 一錢

右搗餅納陰中其肩即定

桃仁雄黃膏

桃仁 五錢 雄黃 三錢

右二味研勻用雞肫肝切斤蘸藥納戶中其

蟲即鑽入肝而癢自止

蛇床洗法 六

蛇床子 五錢

烏梅 九枚

右二味熬湯乘熱薰洗

藜蘆敷法 七

藜蘆 為末

右用豬脂油調敷自收

加味四物湯 八

生地

當歸

白芍

川芎

柴胡

山梔
炒

龍膽草

石劉水煎服

烏頭
薰法九

烏頭

石用
醱醋熬
薑自消

八味地黃丸十

熟地七八兩

山藥四兩

山萸 酒蒸去核 四兩

白朮 乳製 三兩

丹皮 酒焙 三兩

澤瀉 鹽水拌炒 三兩

附子 炮 一兩

肉桂 去粗皮 一兩

煉蜜為丸 桐子大 每服三錢 空心淡鹽湯送

下忌 三白

溫中坐藥 十一

遠志 乾薑

吳茱萸 蛇床子 各等分

右為末 綿裹細 戶內一日二次換

膏髮煎 十二

婦人亂髮一團

右用豬膏熬化服之小便利則愈

桂心釜墨散 十三

桂心

釜底墨 各等分

右二味為末酒服方寸匕

雜證門

熱入血室

金匱云婦人中風七八日續來寒熱發作有時經水適斷此為熱入血室其血必結故使如瘧狀發作有時小柴胡湯主之此言邪熱未盡值經來乘虛入於血室之間而潛藏之故令血結而寒熱有如瘧狀也血室肝主之肝與膽為表裏膽因肝受邪而病寒熱故用小柴胡湯主之也後人更加當歸生地丹皮者所以清血分之熱也

金匱云婦人傷寒發熱經水適來晝日明了夜則
譫語如見鬼狀此為熱入血室治之無犯胃氣及
上二焦必自愈此言熱雖入於血室然經行不斷
則熱不留結勿謂譫妄遂以消黃犯其胃氣刺傷
榮血小紫和酥犯上二焦但俟其熱隨血去病必
自愈傷寒論曰血自下下者愈此之謂也

金匱云婦人中風發熱惡寒經水適來得七八日
熱除身涼胸脇滿如結胸狀譫語者此為熱
入血室也當刺期門隨其竇而取之又云陽明病

下血譫語者此為熱入血室但頭汗出當刺期門
隨其實而瀉之澀然汗出者愈此二條一言遠來
即斷血結在裏為實證一言陽明病亦有熱入血
室但下血頭汗出為不同故為熱入血室亦由肝
實故均謂當刺期門也不能刺者以清熱行血湯
治之合四證觀之大抵有寒熱如瘧之證方可用
小柴胡湯否則或不藥自愈或刺期門而清熱行
血以隨其實而瀉之此仲景心法也不得槩以小
柴胡治之也

小柴胡湯 本行一

清熱行血湯 本行二

血分血分二

婦人經水先閉後病腫者乃寒濕傷於衝任血壅
經隧也名曰血分若先病腫而後經閉者乃土虛
不能制水水邪泛濫溢於皮膚也名曰水分血分

難治水分易愈治者詳之

血分腫乃血壅不行流於四肢故令浮腫此不必
治腫但調其經經通其腫自消宜小調經散加

紅花丹皮牛膝

水分腫乃水飲內停膀胱之氣化不行水溢皮膚
故令浮腫經閉也此但宜治水水消腫退其經
自通宜用茯苓導水湯或照方水泛為丸服亦
可

小調經散

見產後門二五

茯苓導水湯

見胎前門十四

夢與鬼交

經曰心藏神肝藏魂肺藏魄脾藏意婦人七情內

傷虧損心脾意欲不遂神無所護以致魂魄不寧
隨神出入故夜夢鬼交晝則獨悲獨笑宛有對忤
實自身神魂為病非真有鬼邪干侵而後若是也
常以養血安神為主則鬼邪不驅而消滅矣
宜用歸脾湯調辰砂琥珀末服之則志定神清魂

魄寧而無邪夢矣

歸脾湯 見 雜 門 十 四

安齋 四

千金方云咽中帖帖如有痰肉吐之不出吞之不

下即所謂咽中如有炙脔也俗名梅核氣蓋因內傷七情外傷寒冷所致惟全匱半夏厚樸湯為治此之神劑

半夏厚樸湯 本門三

血風瘡 五

婦人血風瘡證偏身起瘡癩如丹毒狀或瘡或痛搔之則成瘡由風濕血燥所致法當養血蓋血和風滅而燥為潤矣

初起者宜加味道遙散更加生地黄連 如瘡結

痲而愈復起白屑肌膚強硬者乃血少不潤也

養榮湯主之

加味道遙散

見月經行十

人參養榮湯

見月經行二二

臃瘡六

婦人憂思鬱怒傷損肝脾或飲食不調損其胃氣
則濕熱不注更被寒濕外侵則心兩臃生瘡外臃
屬足三陽經其治易內臃屬足三陰經每多難痊
不可不知

初起紅腫者人參敗毒散
潰後腫水淋漓者補
中益氣湯 疔熱者真陰虧虛也六味地黃丸
食少體倦畏寒喜暖者真陽不足也八味地

黃丸

人參敗毒散 見產後門四四

補中益氣湯 見月經門四八

六味地黃丸 見月經門二五

八味地黃丸 見前陰門十

足跟痛 七

足跟乃腎脈發源之地。足少陰腎經經過之所。若
繼慙不禁崩漏。亡血虧損。三陰虛熱內起。以致足
跟疼痛者。當以填補真陰為主。不得妄清其熱也。
治此者。宜大劑六味地黃湯。峻補真水。若痛久
不愈。腫滿流膿者。宜八珍湯之類。大補其氣血。
乃免有濟也。

六味地黃湯。見月經門十五。

八珍湯。見月經門二三。

雜證門彙方

小柴胡湯一

柴胡三錢

半夏一錢五分

人參一錢

大棗一棧

君劉水煎服

依本方加生地當歸丹皮尤妙

清熱行血湯二

桃仁

黃芩二錢

甘草一錢

生薑三片

紅花一錢

丹皮

生地 各二錢

穿山甲

右水煎服

半夏 厚樸 湯三

半夏

蘓葉

右生薑煎服

五靈脂

甘草 五分

赤芍 各一錢

厚樸

白芍 各二錢